

四庫全書

集部

欽定四庫全書

曝書亭集卷十六

翰林院檢討朱彝尊撰

古今詩十五

玄默沼灘

出都王山人暈畫山水送別

王郎五載一相逢寫出雲巒別思重
髣髴攝山風月夜

秋牕同聽六朝松

白草屯

白草屯空似戰場昏鴉點點入斜陽
舟依茅屋三間泊風動棗花四月香
去國不禁頻徙倚得歸寧復倦津梁
叢祠何處喧村社有底紛紛士女忙

入汴過胡司集

介社

吳船千里載冬醅避暑長筵日日開
却喜訟庭留牘少時看官馬借書來

瓜步留贈張同知

柴車一出白頭還過嬾偏宜應接閒猶有故人能好事
隔江留看六朝山

寄陸侍御隴其

主恩先後逐臣還羨爾幽棲泖一灣想得著書風幔底
桂花如霰落秋山

洞霄宮題壁

天柱峰高倚晚晴琳宮消歇斷碑橫砂牀竹下搜難得
臥聽山禽擣藥聲

江行三首

潮落江平宿富陽
船頭新月下微霜
曉看烏白紅千樹
樹杪半山鴨脚黃

絕壁苔紋鼠尾皴
灘光晝靜白鎔銀
分明江上孤蓬客
黃鶴山樵畫裏人

環溪亭下水流東
野碓飛輪到面風
返景松巖紅未斂
隔江人語漆林中

冬日同鹿明府

祐

錢廣文

瑞徵

游爛柯山二十

韻

道書詮洞天青霞居第八流傳負薪翁披榛入垓北中
有兩青童碁聲暗相戛俄驚斧柯爛逝節等奔鶻此事
知有無特書在琳札我來太末墟十月方納秭曉出通
仙門緣溪碎石滑拂林風騷騷鳴碓水泚泚明府政不
煩廣文俗能拔於焉齊喚渡次第柅車轄飛梁忽在望
相視笑且坦靈境茲最奇造物亦太黠疑經百蟲焚或
受五丁握連蜷虹霓偃垢膩神鬼刮傾崖穿一綫斷塔

盤禿鬮丹楓露已彫
瑤草霜未殺剝苔讀遺碑汲井恣
拭刷昔賢鬪茶地昧者莫之察日斜洗行厨得食鳥嘎
嘎徘徊雙松陰惆悵別香刹

鹿鳴山晚眺二首

一簣山平遠雙林逕暗通不愁筋力倦且喜笑言同藉
草荒岡上疏泉碎石中新晴尤可戀移席憤王宮

近郭茲山好禪扉鎮日扃江光寒轉白峰色遠逾青
種千松樹宜添一草亭他時放歸櫂歌鳥試重聽

玉山

三衢山歷盡橋影跨通波十室居城少千家負郭多啓
顏津市酒隨意榜人歌且免書驢券郵籤次第過

廣信

信州風物好倦旅亦開顏灘響層層石林疎面面山狎
鷗飛不去放犢飲初還夜火浮橋外連船當戶椽

鉛山

不遠江城路舟師指點遲穴山巢鸛鵲編竹坐鷓鴣晚

飯惟三板朝醒藉一瓶鵝湖酬和地百世起人思

弋陽

城小斜依壁門開近面江陂仍仙令跡歌換楚人腔
辣闌山無樹崢嶸石滿瀧多情甌塔影十里逐蓬牕

貴溪

亭榭均干越封圻析上饒連山齊覆釜獨石忽成橋
想見黃梅發何曾碧樹彫降丘誰宅此雞犬已寥寥

安仁

畫角衝寒動明星際曉行水迴沙市曲山到郭門平野
碓啞啞轉漁榔杳杳鳴誰與分百里洵美得嘉名

瑞洪

餘干江路永回首失嶄岬市酒難為醉罾魚乍解饒自

山至安仁捕魚多用烏鬼魚皆無味至此始用罾

湖寬舟愈小峰遠日初銜漸

識宮亭近分風及布帆

自贛州至南安灘行口號二首

鬱孤臺下水嘈嘈南去輕舟未易操灘響逆流三百六

篙師那得萬張篙

且挂風帆溯急流
船人勸客莫深愁
只應預想歸程樂

柔櫓嘔啞下吉州

昭陽作噩

夜泊珠江

潮湧牛欄城門名外
舟停蜃戶旁
月高人寐隔浦是歌

堂

光孝寺觀貫休畫羅漢

貫休手寫一十六羅漢其二乃在南海訶子林昔游真
蹟未得見念之三十五載縈人心白頭重作嶺南客故
人期我虞翻宅僧廊亂後花木猶瓏璵薤菜春生滿池
碧循廊轉入精廬深一幅居然挂東壁古絹尚白石轉
青恰於石罅安疎櫺一僧俛首力寫經自準以下祇半
形芬陀利花貝多葉梭擱筆管毛猩猩不知金天之西
何處得石硯毋乃昆吾玉切新出硯一僧却立侍巾餅
靜如沙鷺翹涼汀燈不翦信明滅杪擢樹底風泠泠

牕前千歲老，援拱雙臂平。叔兩肩聳，筍鞵桐帽木葉衣。
想見霜濃寒，到踵精誠能。令感金石，何況羣生知。怖恐
禪月師流傳，三絕畫書詩。詩編巨岳集，書有姜體遠。本
周之史，猶秦相。斯未若畫品更崛竒，即如此幅，遠出意
匠表。或疑入定真容，髻髯親見之。不然調鉛殺粉，能爾
為訶林僧神物，藉汝能世守。不見宣和舊譜遺蹟，久云
亡。豫章西山雲堂院中，亦何有。我欲賺汝去，莫飲我缸
面酒。我欲奪汝歸，玉鴉又不在。手世間豈少珊瑚鐵網。

珍珠船自今貯之伏梁閣檻庶可全

嶺外歸舟雜詩十五首

黃木灣西廟鼓過春潮漾漾沒蒲芽翻嫌二月歸程早
一路攀枝未作花

蠻江豆蔻一叢叢牡蠣牆圍半畝宮貪看河頭采珠女
輕帆不趁酒旗風

枕外潮雞報二更朧朧月底暗潮生客心最喜舟師健
貪趁朝霞半日晴

船頭醜酒佛山過七尺烏篷疾似梭行到西南舊時驛
驚心榕樹已無多

三水城樓照落霞漁村處處見撈鰕夜來欸乃聽新曲
不是漁家是笛家

飛來寺脚束江濤徑入雙林磴轉高怪道褰簾蝴蝶至
軍持新插紫山桃

擢郎鄉里面都黔撐盡筠篙禿指尖水飯乾魚烏攬豉
生來不食廣州鹽

紫棟花香映水牕
舟從大廟出奔瀧
晚來欲雨猶未雨
峽裏鷓鴣啼一雙

新開花縣壓層巒
羣盜停探赤白丸
不是邵陽王給事
又旦涇陽行旅至今難

山坳一水忽分流
兩岸多停楚客舟
夜半東風齊笑語
月明打鼓上連州

彈子磯高高插天
蓬牕未許客安眠
尋常一色四更月
獨有此山啼杜鵑

曲江門外趁新墟采石英州畫不如買得六峯懷袖裏
攜歸好伴玉蟾蜍

修仁渡接始興江半挂魔幢半佛幢記得三楓舊曾泊
更無風雨打船牕

青筍竹尾鳳毛織銀箸灘頭石角尖五里一瀧成十里
虛勞估客記郵籤

雄州郭外萬人家小店臨流大道斜纔是野薔薇落後
白花開遍苦丁茶

梁吉士以羅浮蝴蝶繭二枚贈行曲江道中一

蝶先出蓬底聯句成三十韻

故人贈我行方物當所選

彝尊

笥發詫駢羅中有蝴蝶

繭

沈名蓀

兩兩折枝挂一一槁葉卷

昆田

動搖植懸風

妥貼繢綴冕

彝尊

厥包同米囊其文比竹篆

名蓀

未如

蟬翼輕齊女鬢垂鬢

昆田

詩朋爭愛惜寘之黃篋

彝尊

尊薄寒巾密覆遲日牕始展

名蓀

隔籠頻摩抄並棹迭

窺覲

昆田

形隨秋燕蟄候早春蛹蛻

彝尊

我夢為莊周

栩栩興匪淺名蓀俄然一繭破有若子初婉昆田停撓

疾招呼急走忘足跌彝尊編爛五采錯的皦九光名

蓀層層金泥塗屑屑雲母碾昆田絲絲春江濯幅幅朝

霞翦彝尊孔鸞一毛截瑋瑁片甲軟名蓀眉過粉蛾長

翅類仙鼠扁昆田縹纁變周官繪繡備虞典彝尊曾聞

朱明洞大者如輪轉名蓀悠揚千花叢下上百丈巘昆

田或云麻姑裙裂之在蒼蘚彝尊或云葛翁衣貯之在

丹甌名蓀紛綸辭各異無乃傳者舛昆田夢想四百峰

有約末由踐彝尊未逢采雀靈徒說啞虎善名蓀名山

應見笑疎誚豈能免昆田覩茲鳳凰子髣髴列仙遣彝

尊入山夫何難歸與面有靨名蓀明當放汝還華首恣

游行昆田

沈霖據石圖

差山高士隱織簾千金一致醫方兼餐花黑蛺蝶衣潤
丸藥碧梧桐子黏無絃之琴石上卧有洌者水沙中潛
張生遠傳寫陸生嘉淑讚題罷玉蟾蜍淚霑

秦吉了聯句

珍禽產邕管自呼秦吉了

武進邵長蘅子湘

脩脩羽儀

澤炯炯眸子瞭

蘅尊

丹味漫多智黃距一何蹻

長蘅

尾

輸山鷓長形陋么鳳小

商丘宋犖牧仲

批肉花冠敲垂

耳蠟光皎

蘅尊

好語鎮間闕餘音或繚繞蘅雖殊鳩舌

蠻偶類雉鳴鷺

蘅尊

宣和譜乃遺爾雅釋未表屢奮躍

不停獨立聲忽悄

蘅

羈栖恣飲啄簾幕信昏曉寄身在

籠中結思仍木杪

長蘅

稟質洵云微即物嘅詎少所以

韓退之作賦感二鳥彝尊

闕逢閻茂

曉行圖

樹杪星星塔火收
月殘衣上冷霜浮
郎當風鐸穿林去

莫是曉行人姓劉

宋劉一止賦曉行詞
得名人號為劉曉行

白陽山人陳括折枝花

餅桃花仿吳公器
風牡丹摹崔子西
雨點露團猶在眼

惜無好鳥盡情啼

崑山謁宋劉處士過墓

荒榛斷碣小山陞詞客當年亦可悲
蘆葉汀洲繫船夜
颯肩風雨渡江時
橐中青兕千金散
馬後焦桐一轎隨
辛苦東吳顧文學
湄邀人歲歲此題詩

積雨八首

自從甲子春來雨
四月從無三日晴
薄暮東風吹轉急
泊舟小水看潮生

水木陰陰夏尚寒
桑枝風戾幾曾乾
莫愁著屐衝泥遠

小舫撐過繡鴨灘

沒盡荷花紫草田
菱池新水芋陂連
畏寒不獨衰翁甚
年少冬衣未拆絲

貓頭筍夾白版扉
麕眼籬綻黃薔薇
綠陰門巷午風起
吹遍楊花總不飛

烏篷夜拄釣船坊
曉起水添三尺強
欲覓園花查上舍
嗣琛但愁橫漲板橋妨

荷葉新抽一丈莖
柴門趨漲到磯平
黃鸝粉蝶不相見

唯聽鶉鳩逐婦聲

芍藥醱醱不到餅園荒六枳戶常扃吳蠶已是三眠候
桑葉依然陌上青

棟花信後猶凝紫梅子枝頭尚未黃枉費祈晴丙丁帖
殺風雨至轉顛狂

池上編籬偶成二首

槐汧菱池水一窪好編六枳作籬笆客來與乞平安竹
老去思栽頃刻花農丈人唯知避俗村夫子更懶移家

試添隔岸香茅屋眼見南垞勝北垞

清時特地許閒身底用湫隘傍市塵著錄九經堪送老
擁書萬卷不言貧為農也解量晴雨置酒渾忘是主賓
寄語巖栖譚給事瑄何妨近作耦耕人

題畫

第四橋頭楓葉丹詩翁露頂不知寒停車鎮日樹根坐
閒看鷺鷥飛過灘

為高上舍題其尊人太常層雲山水軸

太常三絕畫書詩尺幅溪山付虎兒
斷楮零綃何處覓
秋牕惆悵卷還時

李秀才

琪枝

墨竹

小閣爐香洗硯初
數竿墨竹最清疎
前身定是梅花衲
仍占春波橋外居

送鄭

公培

入粵

入閩閩有灘度嶺嶺有關
勸君舍仙霞勸君踰常山
一帆餘干漾三板
茶磨盤曲江水云云
大廟峽攢攢秋深

高涼郡郡守

鄭君梁

當之官英英玉堂彥
戟舍有餘閒好

賢若緇衣為子具
館餐況有王大令

原

儒雅足盤桓
蕉

椰實堪飽橄欖漿
不酸一丈孔雀尾
雙丫公孫蘭青青

蔥蒨竹恒覆屋數
間此鄉洵可樂何
時方來還暇過五

羊城越臺尤壯觀
番番三老友為我
報平安

招陳秀才枕山游之作

洗藥及基井讀書
顧況臺溪行十里
近風便一帆開野

飯香新栗山園露
早梅相邀好兄弟
及此共深杯

旃蒙大淵獻

二月二十日

灣頭新柳碧遙遙
猶記停舟舊板橋
一自花時葬西子
年年風雨是今朝

論畫和宋中丞十二首

阿儂舊住韭溪北
天籟閣中曾數過
記得千金紈扇冊
童時一日幾摩挲

項氏家藏千金帖有三一為唐雙鈎萬歲通天帖一為淳化閣帖初拓本

一為唐宋人畫紈扇居多

界畫樓臺膽未豚棘鉞花鳥亦難嫻昔賢往往妙遊戲
不了樹枝沒骨山

狡僧紛紛偽亂真巧勻楮墨傳灰塵誰知神物歸藏弃
千載依然色斬新

談藝何人公道存每因憎愛昧昭昏不應唐沈同時在
吳偉翻呼畫狀元

隱君趙左僧珂雪每替容臺應接忙涇渭淄澠終有別
漫因題字槩收藏

董文敏疲于應酬每倩趙丈
度及雪公代筆親為書款

胥山樵叟畫亦殊得錢多寡分精鹿少年身後休嗤點

不見長江萬里圖

項叟聖謨子京之孫自號胥山樵曹侍郎溶領藩東粵叟作長江萬里圖

送行深得
古人筆法

崔子忠陳

洪綬

人物最瓌竒仕女天然窈窕姿弟子描

摹失師法盡調鉛粉畫東施

王五

崇節

谿山擅平遠周郎

之恒

窠石亦清真兩君人

物兼臻妙未許南人笑北人

王宛平人
周臨清人

巨幅鸞凰細草蟲長留風露濕花叢時人罕覩藕漁筆

止說王郎

武

惲老

壽平

工

王長洲人
惲武進人

先子韶年寫雲壑當時心折董尚書後來舍弟亦能書

可惜都無片紙儲

先母唐孺人董文敏之甥也文敏見先人畫謂人曰不出十年可以亂吾

真矣舍弟昇鑒能詩畫早卒

白下錢唐畫作林殘山剩水樹無陰若令此輩流傳遠

不合良工苦用心

退翁

孫侍郎承澤

倦叟

曹侍郎溶

嗟淪沒吳客雌黃詎可憑妙鑒

誰能別苗髮一時難得兩中丞

謂宋公暨閩撫卞公也

荅徐舍人 永寧 上舍 永宣 五十韻

罷官臥荒村戶外可羅雀秋風攪庭梧意況劇蕭索凌
晨屋山頭爭噪兩乾鵲須臾名刺來有客款門闔披衣
出迎客矯若雲中鶴南州名父子文采何照灼往借副
都公同聽清禁鑰神羊冠獨我虎僕毫載索正色立朝
端吐論謬而諤但為鳳回翔不事鸛擊搏循陔請終養
忠孝兩無怍俄馬梁木壞吾黨失矩矱僉云令嗣賢翰
墨麗金腹茲焉接丰采心路快一瀾索文表墓道於義

無可卻昔人重碑版論文不論爵後來世俗愚但取官
顯爍縱然頭銜長往往詞冗弱鉅公即能之亦復多偽
託誰歟辨真贋止解速鑄鑿遂令賢達人罕載金石畧
稽古墓銘工昌黎最凌連柳李揚餘波屹立鼎鎗脚穆
修行流派十子表東洛文公成公後軌範漸刊落姑蘇王止
仲作墓銘舉例於唐取三家韓柳暨李習之於汴宋取
十家歐陽永叔尹師魯曾子固蘇子瞻王介甫陳無已
黃魯直晁无咎陳了翁於南
渡取二家朱仲晦呂伯恭也黃鐘屏弗考細響賞牛鐸

几聳互標榜羊豹聯一轄舉世逐聲聞孰肯叩寂寞君

家好兄弟蓄意勤且恪別來再致書邀我踐宿諾各賦
詩一章體製極雄博纏絲思無盡繹繹絲在篋參差瓊
樹枝爛漫棠棣萼神鷹乍脫鞵天馬初卸絡書蹤逼褚
薛句法壓盧駱珍物貽頻仍一一刮眼膜香杭包綠蒲
芥片裹青箬駝毼軟勝絲翠織暖逾貉異錦掉鯨魚明
燈綴珠箔愧乏英瓊瑶何以報金錯緬惟副都公九京
不可作吾衰筆力短兼苦文思涸盛美豈勝書經月橐
乃削雖非黃絹辭陳言務埽掠以之勒豐碑觀者或摹

拓采撫入琬琰異日上史閣庶幾身後名藉以慰冥漠
春山采茶候風煙想一壑當浮太湖船直抵洮滷泊一
登君子堂歡言共絃酌

喬孝廉

崇烈

居父喪每泣則庭烏盡下禹鴻臚

為畫餉烏圖率題三首

烏烏啞啞東西樹子得食兮哺其父于思于思淚如注
惜烏尚有反哺時塊獨斃斃守丘墓

烏烏啞啞樹東西迴翔下上不得棲飢來肯啄庭中泥

日食孝子一溢米聖廬共爾長悲啼

烏烏啞啞尾畢逋誰其傳寫禹鴻臚張徐王趙世所無
天哀孝子降黃玉留此作配雌雄圖

雨舟聯句

山行未淹旬曰歸歲已晏

吳江徐鈞電發

晨發菴東西

疾風吹四面

彝尊

俄頃雲溟濛急雨雜飛霰

鈞寒木聲

怒號衝波勢撒旋

彝尊

舟師劃柔櫓迸力與水戰

鈞有

如士先登賈勇色不變

彝尊

重湖乍超越小舫乃利便

鈞回看許山橋亭亭樹葱蒨彝尊沿流沂水瀆峰頂豁

僧院鈞鈴傳越來溪屨響吳別殿彝尊陳跡且莫悲執

友情所眷鈞將尋二棄堂

葉實應變營別業橫塘二棄其齋名也

庶幾共

游行彝尊詎期冬潦收水淺石盡見鈞舟膠不能前我

躁子煩悄彝尊聯吟倚篷牕翦燭炙冰硯鈞安得胥口

潮盤椒及家宴彝尊

曝書亭集卷十六

欽定四庫全書

曝書亭集卷十七

翰林院檢討朱彝尊撰

古今詩十六

柔兆困敦

耳疾示王周二上舍

我齒未七十恒苦兩耳充患此已三年入秋輒內訶始
馬輪濕濕既乃氣燼燼牀下駭鬪牛門前吠狨有如

兩豆塞難使五藥攻因之日靜坐物理究初終是非始
聽聞褻貶將安窮屬垣第自苦察察爾何功讒柄變白
黑治道渻汚隆君子天地閉小人地天通世事付一瞶
葆我以太沖免懼喪匕雷免驚擷鷄風人勞我則逸美
疾丁我躬相法十七家不容麥者豐況若封丸泥寧非
富家翁比鄰有二子相憐病適同衰如顧我笑子論詎
發蒙耳者心之候其穴名聽宮其神字幽田其用在司
空子今勤著書不異五經筒有時議紛綸講席相磨礱

說詩匡丞相解經戴侍中無人為畫字子將焉折衷主
人作而歎何術返我聰客云古方法社酒能治聾來朝
海燕歸陌上賽社公伐鼓聲淵淵割肉飽蓬蓬吾儕試
往祈泥飲等渴虹按節舞麗娟安歌走明童三人共顧
曲其樂也融融

初夏重經龍洲道人墓三十二韻

亭亭馬鞍山產石光瑩瑩其東勢礫礫竹柏翠相映劉
生昔栖遲於馬日吟詠生耽巖壑幽死愛水木淨要知

賢達心義不陷俗窳一棺抱山阿勝夾兩婢媵傾崖屏
荆榛老樹絕鴉鷲既鮮莠豎侵亦免菜畦蝗乃知斯丘
樂匪藉青烏訂我思南渡後思陵失其政謀夫多去國
魏公執兵柄幕府盛賓僚子弟談性命棄師累十萬三
敗無一勝肆將功罪淆第許心術正猛將反先誅豈惟
一檜橫哀哉小朝廷自此和議定金繒括脂膏臣妾費
辭令忍忘君父讎寧計蒼生病過也大布衣慨慷本天
性好游或渡江嗜酒數中聖議論辛陳間恥與餘子並

歌詩存十卷卷氣雄勁靜夜思中原往往血淚迸厥
後詣闕書何減諍臣諍庶幾國士風合古之儒行我來
百世下適墓必生敬三年兩經過涼燠感時興番番玉
山叟顧文史廣援證思復東齋祠暇日便眺聽奠以椒
桂漿闢此齟齬徑誰與能好事率錢表名姓遺文并雕
鏤足以播遐夏

曝書亭偶然作九首

拓得園基一百弓閒來樹底逐雞蟲
埽除蝗菜下鷺粟

亟命畦丁修水筒

坨南宜得翠筠看上番移來近百竿昨夜疾風吹拔木
老夫差喜竹平安

蜻蜓翅丹蝴蝶黃白露滿園秋草長靜聽桑斧斫叢棘
忽露一株巖桂香

蒲萄煎濃注酒鉶酒闌荷葉香滿汀新涼枕簟不妨設
時有北風吹我亭

槿花本與佛桑同也向籬邊吐白紅試待來年根盡活

編成著色短屏風

雨裏芭蕉風外揚水中菡萏岸曾曾
當衰翁愛植易生物
不願七年栽豫章

移橙種橘計蹉跎一箇茅亭草蔓多
輸與城隅譚給事
花時處處有行窩

縮版誅茅事偶然修門見說此亭偏
須知庾信園雖小
詩賦江關獨易傳

平泉花木遠爭移金谷繁華盛詠詩
淪落栖遲杜陵叟

何人尚寄草堂賢

斑魚三十韻

吾衰薄滋味意不在梁肉第苦藜莩羹精力易消縮以
茲盤中饌往往供水族持螯疑螭蜺握鱸近蚶蝮可怪
龜脂垂生憎鬣尾蠹所欲庶其魚又無取乾鱗河豚昔
最嗜恒用井華漉塵遠烹於庭血去抉其目刈楚然豆
其務候湯火熟瓊乳捋西施但恨不盈匊誰能罷饒叔
對此食指搖自從十年來不敢恣口腹醜毒安可懷災

生慮薄祿斑魚乃具體秋深出洄洑小大雖云殊一氣
同化育其形亦彭亨其性齊忿愾此時釣魚師香餌素
所畜籊籊三竹竿編簿坐跼伏垂綸韜且弱沉鈎曲而
複有時十數輩戢戢歸呈麗安砧剖瓜刀汲水浮柿木
於焉敕中厨慎勿覆我餽排泥剔其羽起肝淘以麴法
使甘不噉瑩白類新沐和之以蟹胥其汁轉濃郁既異
齒鏌鄒兼免愁慘黷因思膳夫經珍未窮水陸設鱠姜
侯曾思鱸張翰獨俊味恥自饗有客至不速亟須問前

村侑以酒一斛

題汪上舍讀書圖

朝看牧豕助邊儲
暮見為郎擁傳車
勸爾須拋兔園冊
世間風漢乃耽書

山陰客舍題高布衣蓴鄉釣師圖二首

蛤蜊菰葉橫塘曲
細雨斜風西塞山
爭似蓴鄉好秋色
輕舟容與水雲間

愛餐花港雞頭菜
更采湘湖雉尾蓴
踏浪緣流無不可

只休驚起浣紗人

顧明府

培元

載酒邀觀三江閘

一舍三江開輕舟度幾灣
蕭疎何限樹平遠不多山
小管聲聲急深杯戶戶
豚賢侯有高興未許夕陽還

壽孟叟

最愛鑑湖好秋山
百里青君家秋山下
遶屋泉泠泠黃菊樹
百本翠濤開幾餅
玉顏長可駐不藉蕊珠經

贈牧上人

我客拓湖曲上人來叩關欲浮清淮浦直渡黃河灣霽
雪亂塔寺夕陽平坡山五茸春草綠一舸望南還

強圉赤奮若

萬年藤杖歌贈尤檢討

侗

我有天台萬年藤持贈吳下遂初翁想當李明柏碩迹
未到此藤久已生山中偶然拾自金庭宮攜歸曉夜但
拂拭重之不異長生桐翁昔史館文最雄南狐東馬卓
有前賢風即如詩篇也壓蕭范陸長城笑把偏師攻歐

陽黃九柳秦七新詞往往傳歌童翁今歸來雙耳聰歷
頭六十更二十顏貌却如四十同況有才子籍早通兼
珍之膳潔且豐人生快意亦已足豈必入海求方蓬西
堂日煖花滿櫬楊梅漸紫櫻桃紅翁來期我花下酌清
晨扶杖葑門東繭紙戢戢抽詩筒看翁游覽興未窮水
循練瀆山穹隆長松樹底芝草叢四方上下與翁逐杖
兮杖兮藉汝功

寄蘭溪葛廣文

飛芟挽粟各喧闐散吏何如葛稚川
百斛金華新酒熟
醉尋桐栢觀中眠

雨過馮檢討葑水園四首

蘭成小園在東暫近游頻夾巷干花續編籬六枳勻葉
低斜曳杖石礪曲勾身正值黃梅雨蹣跚著屐人

又見衡門改新看小閣添海榴橫濕戶楚雀近窺簾曲
直分沙溜參差露塔尖重過轉瀟灑村郭意能兼

高柳微風末新荷驟雨中竹扉經歲別茶月一尊同盡

得齊民術何殊避俗翁
芟田知可拓小舫後時通
我亦歸田久開門近水灣
縱移花百本并少屋三間
對此增惆悵何緣數往還
煩君暇相過看積一房山

仙游茅筆歌酬徐檢討

鈞

君不用鐵梳梳秋兔毫亦不用束青羊毛別搜凡材逞
妙技鼠鬚虎僕非爾曹吾聞仙游郭外山最高仙人九
鯉雲中遨紫鱗三百二十四白蝦蟆吠黃雞號有時懸
厓忽題科斗字是豈不律人間操茅田深深野火燒未

盡樵夫羸豎赤脚騰碗熬拔茅連茹縛作將指節六寸
之體兼頭尻挑枝竹罷火熨帖鹿角菜免膏煎熬誰與
智者初此物將毋九何一范授以刻髓之蘆刀垂虹亭
長嗜竒癖一牀載得還吳艚分我一管已足豪當其運
腕大稱意筆頭公喜長堅牢人生知己隨所遭良工對
之但駭選足使李展汗走屠希逃

驅舫即事二首

破牕風雨濕書籤睡起明星忽在簷最喜蛛絲捎竹尾

牽牛花翠曉來添

秋老梧桐葉葉黃夜來風雨太顛狂
分明了鳥牕深閉一片何緣墮筆牀

九月八日滄浪亭懷古二十四韻

滄浪有遺亭勝蹟今始到疎籬六枳捷
小徑一僧導古牆聳寺樓暗水接官漕
怪石長差肩平林或妨帽因而

詣北碕歷歷見房輿石枰雖無存
宋毛珣滄浪亭詩濯纓人去水空寒事屬

明時欲問難日暮客歸園館閉鷺鷥飛
上石碁盤自注子美故物惟石枰存
草菴猶可造中

承我老友山水敦夙好於馬翦榛芴復此濬潭隩暇日
攜賓僚曾不擁牌燾春留露輞駐暑便接羅倒畚田課
耕稼浦禽恣啄抱游觀民胥悅豈弟神所勞湖州謫司
馬賦才本雄鷲詩逼梅歐陽文亦師訓誥賢相所館甥
孔壬生嫉媚舉事偶不慎衆口逞狂譟故紙錢區區乃
誣名士盜茲事近千年識者尚憤懊哲人貴自勝林泉
遂遐蹈南陽招不去止用尺書報雜花修竹間風月任
嘲傲斯人洵可懷曠世我心悼竭來謁祠屋思以渚蘋

笔落景溪橋還商飈遠吹滂

九日宋中丞招集滄浪亭觀韓滉五牛圖復成

二十四韻

中丞埽亭館邀我百花洲
遂度宛轉橋罷遠屈曲流
緣溪尋石磴九日升崇丘
層層樓堞敞面面禾黍稠
編籬釘圓菊密坐軒牕幽
同調二三子清言答綢繆
樂飲貴適意豈必量觥籌
邦人許看客風帽盈牆頭
移時官馬至畫卷載其尤
示客五牛圖真氣豁我眸
晉公諳燮理

體物固能優郭椒丁櫟輩飲降各自由宣和購遺蹟已
說不可求何期白石爛此圖翻得留鷗波趙王孫重之
若琳球再三跋卷尾小字工銀鈎畫已經千春尚足藏
千秋吾聞五穀言養民如養牛善牧臥其背穩駕百斛
舟驅使但排促安用施鞅鞞昧者費三筮剔黷恒不休
吾公務廉靜化理臻六州里仁知斯宅不處古所羞逝
將歌碩鼠樂郊可遨遊

得張舍人靈院口書却寄

六年不見張右史，忽誦秦游一卷詩。
韓孟元劉無定格，尤蕭范陸有餘師。
歸逢灤鯽堆盤日，到及江花夾岸時。
試計合并何地好，須憑來鴈慰相思。

寄賈黃州 鈺

近聞南紀賈黃州，到日題詩滿竹樓。
畫水清香凝列戟，月明赤壁愛停舟。
棘針花鳥真無敵，水墨雲山不易求。
別後相思意何限，可能尺幅寄輕郵。

題禹鴻臚虢國夫人下馬圖

貌出風姿勝太真無勞粉翠費千緡如何南內淋鈴雨
不憶當街下馬人

又題

當風帶緩舞衣寬無復宮門驟曉鞍一事差羸杜陵叟
畫圖恣得近前看

乍浦

乍浦逼瀛壖孤城小於甕居民八九家僅足追飢凍邇
來弛海禁伐木運堂棟排空駕槽巢近水壓菱葑陶旒

器本竅橘柚包匪貢偶然資貿遷是豈足民用因而估
舶多僻地乃喧閤增竈遂成郭葺牆巧翬空圉墮郎罷
載行歌雜囉噴我行湯山椒比丘治蔬供為言弘正間
紺塔翔鐵鳳苦海迷津人遠望得無恐願乞長者文勝
蹟復營綜我口默不言我心有餘痛昔者嘉靖中狡倭
肆狂縱實贍實相輪一針亂帆送幾曾弓仗放但操兵
刃弄離亂凡幾年室家始同夢坐起謝上人吾文未足
重於時擢舟還特為令長諷

謂知縣事
王君瑋也

此事不果行吾

機偶先洞

題吳上舍菜根香圖

齊東老圃吾不如走馬却返長山居誓辭肥肉大酒社
手握鶴頭鴉嘴鉏園官日日送菜把野客時時誇菊道
閒來插架散籤帙惟有秦餘種樹書

贈繆篆顧生

秦碑換棗木傳刻或失真詎若漢摹印小大皆可珍鑄
金用撥蠟琢玉同運斤其文雖參差離合各有倫後人

味遺製惟取字畫勻鐘鼎雜款識古法漸以湮顧生習
繆篆頗見精力勤博采諸家體覽者多所欣一藝期至
工必也醇乎醇請君薄流俗專一師古人

題崔慤畫鳩

我愛臨濛雀子中輕綃畫出鷺鳩工枝頭淡染春晴色
不著山花一點紅

漕船

國家歲轉漕每船六百石官倉計所儲為斛千二百其

初由海運險越虎蛟脊波濤恒簸蕩日月互跳擲所以
造舟時不復算尋尺入明改從河水次盡置驛不見真
州估浮江販豆麥縮之僅得半滿載未為窄安用萬斛
寬邪許百夫役過牘逆上魚迎風退飛鷁臘開徂暑到
久而蟲鼠咋惟以便輓丁夫婦得汎宅南去挾泉絲北
來收果核誰為迂緩圖因循匪朝夕吾聞琴瑟敝絃者
必更易國計在鼎司何時建良策

御風圖為魏坤題扇

渡海天王太嶮奇出關老子苦驅馳未如拔地乘風好
萬里雲山恣所之

題蔡徵君

方炳

著書圖

先生忠孝門早歲力埋照逃名名愈隨祇緣筆舌妙中
年巾柴車起應鶴書召人多留囂塵君乃返蓬藿立意
在千秋肯貽北隴笑淵源訂伊雒圖書行周邵其言明
且清削繁領其要今已七十餘行不藉藜籒請觀息闕
圖鈎膝但坐嘯淙淙石罅泉丸丸松頂嶠山宜題六聘

洞可亞三詔著書早晚成先以語同調

題李秀才

琪技

畫梅

平生冷笑林君復活剝江為兩句詩畫到影疎香暗處
始知一字可稱師

贈王叟

嶽二首

近來山水尚元人南渡諸公法漸淪惟有王郎嗜竒古
將無馬遠是前身

畫家平遠最難工三板輕船片席風不數當年宋員外

瀟湘煙雨滿圖中

張處士釣風圖

漁師蟹舍近西冷
露葦風揚岸岸青
我亦年來撐釣艇
秋花却少研頭餅

青浦道中

不識三高士松門第幾峰
潮回黃歇浦草滿陸機茸
細雨春歸鴈深山日暮鐘
坐看城郭近猶是水雲濃

五雜組九首

五雜組刺繡文往復還金車輪不得已見貴人

五雜組染布帛往復還度阡陌不得已逢熟客

五雜組神鬼面往復還翻飛燕不得已交情變

五雜組霜林葉往復還圍碁劫不得已零丁帖

五雜組鳳尾羅往復還機中梭不得已勞者歌

五雜組裳衣袴往復還錢刀布不得已付質庫

五雜組車中果往復還江上舸不得已抗城火

五雜組徐州土往復還真州估不得已宿淮浦

五雜組裝潢手往復還媒妁口不得已飲甘酒

欽定四庫全書

月
卷十七

曝書亭集卷十七

欽定四庫全書

曝書亭集卷十八

翰林院檢討朱彝尊撰

古今詩十七

著雍攝提格

偕查孝廉入閩初發江干

清江自西來海水逆流合我帆
挂東風遙指富春塔

自漁浦挂席至富陽二首

扁郎唱櫓雨初消

查慎行

突起東風送客船百里晴山

低似屋

昇尊

一江新水健於潮

舟人謂江暴漲時海潮不得上

得攜老

伴無拘束

慎行

縱是貧游未寂寥況有月波春壑在昇

尊隔船不乏酒人招

慎行

江山小船急浪衝

昇尊

疾若鷺鳥凌霜冬

慎行

灣環忽

轉赤亭岸

昇尊

俄頃不見南高峰

慎行

鮒魚出網白尾

尾

昇尊

烏相夾路青茸茸

慎行

井西道人畫不得

昇尊

暖翠浮嵐如此濃

慎行

桐廬雨泊

桐江生薄寒急雨晚淋漓炊煙起山家化作雲覆屋居
人寂無喧一氣沉嶺腹白鷺忽飛翻讓我沙際宿

七里瀨

七里瀨急鳴哀湍嚴陵於此留釣壇兩崖怪石青攢攢
雨來欲上不得上竹篙撐過鷓鴣灘

瀧中吟

瀧中行不知遠雨初消雲乍卷藥苗長蒲葉短一夫牽

船九折坂纜逾急舟逾緩前峰合後峰開一曲轉一曲
迴密樹重重暗飛泉處處來人家三五居瀧裏半是樵
夫半漁子又白魚捕烏鬼釣車釣輪滿沙觜黃白花開
照瀧水未必他鄉能有此瀧中吟子歌不足我嗣音

晚次汝步乘月抵蘭溪城下

松科萬樹落花天擘岸江風晚颯然直到蘭溪看明月
浮橋不鎖待吟船

雨發東峰亭和查孝廉

巖巖東峰亭其下百尺潭我來凡五泊未果游精蓋茲
晨復前路解纜亭西南溪雲散成雨水木紛參覃平生
嬾馳騫進拙退所甘惟有利涉心翻較估客貪一帆飽
風力並坐篷底譚夫君有高唱令我歎息三

水碓四十韻

百灘趨漸江昏旦鳴不息

昇尊

大波恣奔放小波迴汨

泖

查慎行

居人擅水利審曲引使直

昇尊

其長走蛟蛇

其廣納溝洫

慎行

過防激之怒徑隘流轉急

昇尊

夫豈

水性然適來遭勢逼

慎行

于焉扼其吭壘石添搬

彘

尊椽茅架小屋度地隨偃仄

慎行

斲木為巨輪當衝立

樞極

彘尊

旁安三十輻輻輳斤墨

慎行

龜文交兩兆

鼈甲支九肋

彘尊

括張等虞機璇運就圜則

慎行

江心

鏡欲躍海底月半蝕

彘尊

滅頂涸人騰升陟壯士踣

慎

行 尻高首或下後湧前乃匿

彘尊

團團牛旋磨匝匝鴉

翻翼

慎行

棗軸貫中央有如箸在扞

彘尊

循環觸牙動

揚者必先抑

慎行

石白質本頑甘為杵所賊

彘尊

昂然

馬騰槽俛若鶴啄食慎行 砮砮應關楨次第符漏刻昇

尊擣紙十萬箋取禾三百億慎行 糠粃除未盡藤竹需

孔棘昇尊 一為機事牽馬得休汝力慎行 先王昔制器

取象配卦德昇尊 舟楫涉大川耒耜祖畛域慎行 養生

務佃漁分壤別動植昇尊 鄰歌荅春相作苦爰稼穡慎

行 俾習四體勤羣黎無懈忒昇尊 後世技巧繁淫竒難

忖測慎行 桔槔輓轡作便利成典式昇尊 紛紛鑿渾沌

一一逞胸臆慎行 能令蠢者靈通者忽以塞昇尊 即此

水碓論用意略可識慎行居然役造化安坐無忤色鼻

尊乃知天生民若苗之有騰慎行夜來山雨驟起漲滂

澤國鼻尊沙崩岸漂沉有械施不得慎行物成久則毀

茲理復何惑鼻尊逸豫安可貪民勞宜率職慎行

篁步

去衢州二十里地產柑橘

江臯有篁步地似果園坊漸遠魚鰕市真成橘柚鄉株
株當暑綠顆顆入秋黃輸與村夫子經冬自在嘗

常山山行

常山玉山相去百里許山行十人九商賈肩輿步擔走
不休四月溫風汗如雨勸客何不安坐湖口船船容萬
斛穩晝眠荅云此間苦亦樂且免關吏橫索錢

入舟

水窮甫登山山盡復入舟漸老惜筋力得安且同偷查

慎行

舫子

名船

五尺狹三漿劃兩頭來朝放溜去勝坐青

竹兜鼻尊

沙谿鋪記所見

十丈梭繩夜截流朝來漁子掌中收不知方法何從得

三寸白魚齊上鉤

玉山村人施數十鉤於梭繩之上曉起收之鉤必有魚

白焦石塘抵鉛山河口兩岸石山獐劣上無寸

土尺木查孝廉作詩嘲之賦以解嘲

鉛山山肩排一一赴湖口鵲圖象覆釜巨石堅不剖躋
攀斷僧蹊左右絕林藪豈惟質鈍悶兼亦狀鹿醜畫師
皴法窮相對俱束手道書紀名山藏之大小西每因洞
壑深必使列仙守茲為百靈棄動植無一有乃知造化

心下視等芻狗宜取見者憎獻嘲自我友吾試為解嘲
賦形良亦偶美石多自殘斧斤或先受高者斲作碑下
者窪作白汝以頑得全庸庸福反厚喻物材不材此理
本莊叟

鉛山城中有古樟三每歲四月白鷺來巢其間
伏雛乃去亦一異也

縣樓高樹半空腔宿鷺飛來什佰雙說與畫師翻舊譜
不須橫幅寫秋江

發鉛山

昨憎山石鈍今愛山石靈譬若漢宮女去尹來者邢譬
若秦地水汲涓汰者涇何期百里內巒壑殊姿形古樟
百圍綠幽桂十丈青東西喚野渡長短羅溪亭沄沄烏
下水浴鳥梳其翎人語山響荅忽焉頽清冷巖花名莫
辨一一抽釵葶我欲躡飛梁深入紫翠屏僕夫不解事
舍車邑外坳前途定勝絕明發宜侵星

紫溪道中二首

荀皮蓋屋類團焦，留客依然酒旆招。
只恐夜來風雨至，杖藜扶過紫溪橋。

新添十畝種荷田，也向山根吐細泉。
料得村娃無擿曲，秋來不用采香船。

度紫溪嶺

征夫就炊煙，我亦治草具。一飯免飢劬，亭午復前路。
隔溪辨微徑，千年樹根渡。不知身漸高，下視千年樹。
我行方霽心，我僕已窘步。登頓力苦疲，巖椒且小駐。
開襟納

涼風植杖一反顧却指來處村茫茫墮雲霧

車盤驛題逆旅主人壁

曲澗層層響叢翠个个齊前山行更好不信鷓鴣啼

觀造竹紙五十韻

信州入建州篁竹冗於篠鼻尊居人取作紙用穉不用

老查慎行行 遑惜簫笛材緣坡一例倒鼻尊束縛沈清淵

殺青特存縞慎行行 五行遞相賊伐性力揉矯鼻尊出諸

鼎鑊中復受杵臼擣慎行 不辭身糜爛素質終自保鼻

尊汲井加汰淘盈箱費旋攪慎行層層細簾揭燄燄活

火熇昇尊舍鹿乃得精去濕忽就燥慎行擘來風舒舒

暴之日杲杲昇尊箬籠走南北適用各言好慎行緬維

邃古初書契始蒼皤昇尊自從史記煩方策布豐鎬慎

行中經祖龍燔孰敢撲原燎昇尊漆簡及韋編殘灰跡

同埽慎行當時禍得脫賴爾生不早昇尊漢代宗師儒

家各一經抱慎行截緝蒲柳姿刀削詎云巧昇尊如何

荆物智乃出寺人造慎行麻頭魚網布棄物收豈少昇

尊後來逾爭奇新製越意表慎行山苗割藤芨水溼采

苔藻鼻尊桑根芥以斯蠶繭機不絞慎行澄心光緻緻

鏡面波晶晶鼻尊研宜金粉膏繪作龍鸞爪慎行桃花

注輕紅松花染深縹鼻尊鴉青密香色一一隨浣澡慎

行十樣益部箋萬番傳癖橐鼻尊紛然輸館閣邈矣來

海島慎行要為日用需若黍稷梁稻鼻尊惜哉俗暴殄

塗抹太草草慎行俗詩畫蝮鳴俗書蛇蚓繞鼻尊俗學

調必能俗文說多勦慎行流傳人有集刷印方未了鼻

尊積穢堆土苴餘殃毒黎衆慎行或汙瓜牛涎或供蠹

魚飽鼻尊或為肉馬踏或被飢鼠齧慎行糊牕信兒童

覆甌付翁媪鼻尊遭逢幸不幸所繫豈纖杪慎行平生

嗜竒古卷帙事研討鼻尊祕笈藉爾鈔籟金匪我寶慎

行響搨湖籀斯斷碑拓洪趙鼻尊提攜白刺史著錄庶

可考慎行由拳法失傳將樂槽苦小鼻尊楚產肌理疎

晉產膚澤槁慎行物情相倍蓰美惡心洞曉鼻尊非無

雲霞膩愛此霜雪皎慎行小疊熨帖平捆載赴逵道鼻

尊
預恐壓歸裝又滋征權擾慎行

烏石村

烏石村深一水灣家家吠蛤閉柴關此時惜少洋州筆
恣寫風篁十里山

分水關

關門一道石參差三戶人家兩戍旗此去都籃休便棄
頭網正及貢茶時

崇安孔明府招飲縣齋池上賦贈二首

宛轉橋當戶玲瓏竹引泉官齋如此少地主況能賢白
鳥巢琴閣紅鱗動酒船盡驅胥史往清話得纏絲

一縣皆山水尤奇是幔亭從君乞小艇導我入迴汀羽
蛻黃心木苔皴白石銘遺文當不少歸日補圖經

武夷沖祐宮

武夷君異哉世所傳或云錢鏐之二子或云是魏王子
騫當時結侶高宴幔亭前此挹衣袖被拍肩坎鈴鼓急
管絃賓雲妙曲左右仙一從彩雲散虹橋斷絕上無緣

琳宮建何時傳是天寶年後王因之禱水旱金龍玉簡
投深淵我來謁祠下取徑芝朮田入門高樹雄且妍藤
蔓曲似蛟龍纏殿古石罅仙鼠穿陳丹暗粉蝸吐涎十
二粟主配君像中間名字或已湮乾魚祭後祀典歇但
有村翁腰臘率社錢縛草為輪翦紙為船不知仙人倏
而來兮忽而逝雲車風馬電作鞭胡用是物東西懸長
廊曲曲通迴旋旁有道士館房房戶戶相錯連甘蔗綠
搖漾修竹青便娟竹雞聲中摘茶葉石榴樹底交茶煙

吾思此地洵勝絕道書名之曰洞天阿誰屈置一十六
何山可以居其先昔年禹平水土名山川至今岳瀆垂
虞編不聞議者糾其偏若茲次第逞胸臆毋乃偽託非
真詮試質武夷君吾言然不然

宿虞道士山房

老樹藏雲壑閒房割洞天
茶烘丹竈火鹿飲鑑池泉
藥酒供人醉繩牀借客眠
山深風候早四月已聞蟬

幔亭

白石留遺板紅雲失舊祠
要知幔亭會亦是避秦人

坐竹簞入九曲

連峰六六收蒼蘿

查慎行

雨餘滑澗碎石街

鼻尊

挈我

栗杖梭毛鞵

慎行

蘭湯渡口上竹簞

鼻尊

篙工指點一

曲涯

慎行

題名幾處爭磨崖

鼻尊

娉婷玉女峰最佳

慎

行

野花簇髻松搖釵

鼻尊

當年武夷集神媧

慎行

歌絃

鼓板金管齧

鼻尊

高張雅奏無淫哇

慎行

子禽小娥定

爾儕

鼻尊

羣仙一散後會乖

慎行

黃心老木委蛻羶

鼻

尊爾獨對鏡留形骸慎行千尋鐵障鎔頑錯鼻尊大藏

小藏肩背挨慎行山魃一脚帝所差鼻尊洞門石扇呀然

闕慎行壑舟力負何勅勅鼻尊其中瑰木如積稽慎行又

類羽鏃抽鞞鼻尊水光泃泃聲泃泃慎行冥冥微徑不

可階鼻尊欲往金井迷鬼艾慎行深潭龍臥波涼懷鼻尊

誰歎釣者貪鮎鮎慎行茶園新芽茁舊茗鼻尊僧籃道笈

采摘皆慎行可惜不逢紅粉娃鼻尊題詩古巖平不欬慎

行精廬小於負殼蝸鼻尊豈若大隱屏之厓慎行祠宇百

世人模楷鼻尊大書照耀銀泥牌慎行學達性天

聖德諧鼻尊屹然天柱高歲裏慎行勢如拱揖趨庭堦

鼻尊須臾路迴仙掌排慎行神臯下上車軋鞋鼻尊竹

窠桃礪雜樹槐慎行龜浮獺控形膠臑鼻尊白雲莽前

雙眼揩慎行俯視九曲滌青縞鼻尊星村村落尤可懷

慎行新苗活水通荆柴鼻尊穀犬跳聒雞膠啣慎行况

無蛇虎猿獠豺鼻尊何時買地營茅齋慎行耕稼漁弋

與子偕鼻尊

虹橋板歌

板為崇安潘秀才
在東所贈

虹橋板可望不可即絕壁深藏太古色日炙不黃雨淋
不黑洪流不漂土不蝕百蟲將軍焚不得吾欲梯長林
梢恐墮鸛鶴巢吾欲駕澄潭坳恐拔千歲蛟鼉鼉倒懸
蝙蝠墜惟有怪鳥獨立時爬抓潘郎嗜竒每置青玉案
鋸贈一條長尺半為言曩者避兵接筍峰一夕急雨飛
寒空雨狂更起擲鷄風虹橋板自天半落斜拖下壓黃
冠宮爾時青童白叟悚息不出戶亟持此板歸山中吾

聞茲言吁可怪石泐金銷此不壞既非桐與樞又非楸
楠杞梓楓豫章穀紋水波甃中央沈思是物豈無用何
況獲自仙居洵堪重當時宣和好古祕殿無爾曹吾今
藏弃足以豪試令刻作黃神越章印山行蛇虎應潛逃

仙蛻巖

魚家姊妹趙家兒雜坐歌師間板師莫唱人間可哀曲
山阿遺蛻也堪悲

御茶園歌

御茶園在武夷第四曲元於此荆焙局安茶槽五亭參

差一井冽中央臺殿結構牢每當啓蟄百夫山下喊

事見

武夷志

擬金伐鼓聲喧嘈歲簽二百五十戶須知一路皆

驛騷山靈丁此亦太苦又豈有意貪牲醪封題貢入紫

檀殿角盤瘳枕怯薛操小團硬餅擣為雪牛潼馬乳傾

成膏君臣第取一時快詎知山農摘此田不毛先春一

聞省帖下樵丁莨豎紛逋逃入明官場始盡革厚利特

許民搜掬殘碑斷白滿林麓西臯茅屋連東臯自來物

性各有殊佳者必先占地高雲窩竹窠擅絕品其居大
抵皆巖壑茲園卑下乃在隰安得奇茗生周遭但令廢
置無足惜留待過客閒游遨古人試茶昧方法推鈴羅
磨何其勞誤疑爽味碾乃出真氣已耗若醴舖其糟沙
溪松黃建蠟面楚蜀投以薑鹽熬雜之沉腦尤可憾陸
羽見此笑且吡前丁後蔡雖著錄未免得失存譏褒我
今攜鎗石上坐箬籠一一解繩縹冰芽雨甲恣品第務
與粟粒分錙毫

仙掌峰瀑布

仰瞻兮山陁懸瀑布兮翠屏忽循兮山後泉涓涓兮鳴
石竇石竇兮中開激衝風兮轟虓一丘兮一憩忘吾道
兮適迴菖蒲菹兮烏麻飯青松陰兮白日緩思移象兮
駐顏年七十兮未晚

天游觀萬峰亭

大山相排連小山補其闕羣峰罕異向危亭乃孤揭適
當地敞閒不在勢突兀虛明徹戶牖豁達埽煙燁溢空

激颺輪照夜湧日軌有時霧著巾忽焉雲觸轡憑欄恣
眺聽靈境信超越儼同喬嶽尊遠邇盡朝謁紛紛揚旌
殪穆穆秉圭笏又疑三海圖神物互出沒足或躩夔魘
背或負蚩蠻前平訝象耕後陷類狐搢隱屏翕而張接
筍斷不蹶長松偃薺菜細竹披苗髮溪流乍隱見祠屋
半彫歇歸然此獨存坐久興逾發雖云冠山椒何異在
巖窟石房一道士清癯老鶴骨延我崎嶇丘靜埽苔徑
滑苔無青精飯力為煮葵蕨高田歲未荒四月草先袋

分種及胡麻安碓響深樾相對生隱心欲歸恨倉卒何
當裹餽糧留住一百月

樟灘

建溪饒驚濑樟灘最巉險顛波勢欲下亂石故磨颯窪
坳碾作渦刻露圭就琰我衰憂患多過此容色斂篙師
凝睛立尺水巧迴閃鏗然矢投壺狎恰不誤點輕舟恣
一擲縱若鳥脫罨以茲推物理遇境適夷險人或發禍
機忌者思盡掩揚瀾沸平地鑿空架崖厂由來人背噂

未必鬼神貶濟盈軌易濡忠信幸無忝習坎入坎凶既出夫
何玷浮海桴可乘舟楫況剗剗

建陽

徽公舊是建陽居竹樹清疎畫不如講席至今留未改
人情大抵好相於得觀雲谷山頭水恣讀麻沙里下書
此意殘年仍莫遂扁舟欲去轉躊躇

延平晚宿

兩兩浮橋趁浦斜居人分占白鷗沙
瓜瓢豆莢迎船賣

只欠南鄉澤瀉花

建寧產澤瀉花可噉昨
過未及買南鄉橋名

雨中過黯淡灘

灘光黯淡雨連坑
一笑船師勸客行
三疊跳波兩搖手
櫂歌十里下延平

水口

岸闊灘平漾白沙
船入出險鼓停搥
為貪放溜風頭坐
不覺蜻蜓上槳牙

竹崎關

溪魚樹底輸稅關吏津頭算緡縱有僧樓藥院日長吟
眺何人

食荔支寄查上舍弟

嗣琛

時在秦中

荔子漿酸價未高風前試解絳羅袍當筵忽憶西征客
馬乳涼州也自豪

噉福州荔

噉荔如噉蔗佳境須漸入必待藍紅江綠熟始嘗何異
渴人禁之飲米汁粵洲火山四月丹也勝盧橘楊梅酸

我來福州日北至投我只合齋堆盤端明譜中三十有
二品大槩綃衣雪作衽粵人誇粵閩誇閩次第胸中我
能審

林叟偉攜二子載酒過

釀比官醪釀肴看水族分老年思舊雨深話到斜曛契
獨存僑札交須合紀羣不妨留秉燭作賦共誅蟲

甘泉漢瓦歌為候官林侗賦

西京無書家但有急就凡將篇其後闕里闕乃得五鳳

二年輒滕公石室閉已久文體倜詭乖自然芝英鶴頭
書歲遠俱沉堙孰能抉淵奧冥索崔張先侯官林伺媿
蒼雅袖中忽出甘泉瓦長生未央字當中逸態橫生恣
塗寫定州漢廟不足珍銅雀香姜盡流亞吾聞甘泉本
是祖龍之所遺武帝因而恢拓之非無益壽延壽字今
已蕩盡蠲鎔釐金銅仙人去渭水掾桷自毀化作龍鱗
而當知是瓦定有鬼神護不然安得團圞如鏡勿使纖
毫虧伊誰擅此隸法古母乃史邈丞相斯下至元封人

物能爾為伺也耽竒莫與並手搨硬黃墨一挺裝池作
冊索客題重之不異焦山鼎吾生亦好金石文南踰五
嶺西三雲手披叢篁斬榛棘殘碑斷碣搜秋墳攜歸蓬
屋少香芸壁魚散走飢鼠啣蟲涎粉蛀徒紛紛伺兮伺
兮真好事殿闕遺墟靡不至短衣匹馬尋昭陵陪葬諸
臣表銜位旁及降王一十四右先咄咄左什咄咄以那
順范頭利舊史缺漏新史刪伺也為之考其次試入儲
藏蘭話堂長物何論僉一笥君家嚴君政不苛至今秦

地猶謳歌年過八十尚健飯丹砂不餌朱顏配兼珍之
養樂事多長生瓦兆本為此請君一日三摩挲

長慶寺啜荔支一首

魚網船船漉

土人伐荔子木浸水以漉魚網

樵柯歲歲殘連根移上苑

重馬走鹿官再至雙林少

寺中荔子舊有五株今只百餘

他時一飽

難山僧會客意臨別更堆盤

又聯句

熱客辭三伏精廬訪一龕園開小暑後徑盡側生南

尊僧臘嗟頻改禪房亦舊譜茶瓜宜屏却梯閣緩登探

石門吳震方幼超

劇喜青猿捷先除石貝貪

荔蠹也

層層

堆玉案各各滿筠籃

查慎行

露比三霄冷漿同十酒甘

倒囊元止渴勿藥定祛痰

鼻尊

譜就全勝畫評時恣倚

擔瀘川知不敵珠海較無慚

震方

鎔蠟思封蒂磨鉛欲

代覩載歸鄉曲好終賽一筒柑

慎行

汪學使薇餉楓亭荔

香荔誇奇絕楓亭古驛中色雖殊挂綠品已壓輕紅一

種生偏側千房味不同重煩故人意分減及衰翁

林封君招飲榕菴

細泉危石響崢嶸避暑筵開接款顏
祖竹杖多供客借
佛桑花放許吾攀
入門愛坐千年樹
對酒平臨一朶山
珍重主人投轄意
留看七塔夜燈還

龔運使招飲園亭

烏衣子弟列通官
逸興東山老謝安
六月開筵花事好
百分勸客酒杯寬
閒輸沼上鯨魚樂
醉任堦前海鶴看

已是晚涼收羽扇更排高棟俯層欄

飲張舍人巖齋

門才風貌阮何間官簿重題右史班三伏尚能留客坐
一瓶相勸借書還濃陰古壁垂馱蔓驟雨新苔滑小山
我醉已拚逃席去更煩香甕出屏彎

江瑤柱

異味傳方域嘉名注食經連江誰布網獨漉忽登鉤漉
自三山速風來五月腥羴羊羸見角蠟蠹斂同形銳比

盆花鋪圓同鈿帶鞋

粵呼為角帶子

探腸先去甲刮膜止存丁

淨洗膏猶沃新烹火莫停冰檐初挂鐸雪菌乍抽釘白

嚼河豚乳紅餐荔子廳誰言分鼎足試倚竈觚聽

閩中海物雜詠七首

西施舌

一名沙蛤俗呼西施舌

吳人輸一錢思覩西子頰何如得網中宵分齧其舌

香螺

鮓魚雖言美祇供漢賊餐

莽操俱嗜此

詎若香螺潔日上先

生盤

蜉

閩小記一
名蝟蚌

綠蒲包海蜉味勝蟹胥滑一笑過江人嘔心為蜉

蠻魚

腹下有十二足雌雄
常相負取之輒作雙

尾插茨菇葉臍攢螃蟹箱南庖驚束手非止北人嫌

花蛤

略識味似螯寧知化非雀誰加水族恩特與繡衣著

黃螺

卷十八
肉縮等蝸角涎腥過蠓房憐渠一破殼也有九迴腸

珠蚶

海物多充庖珠蚶亦配酒取禍自有胎不在深閉口

題讓竹亭修禊圖卷

今年禊飲負花時讓竹亭前到恨遲比似永和應更勝
坐無一客不成詩

飲陳孝廉

學洙

烏石山房

旅館苦毒熱若鳥困樊篋忽聆折簡招柅車道山阿此

身離沃焦冰雪投岷我主人頗善病賓至移藥籬預儲
楚筍韞易容深雍鞞巖壑不在僻位置因坡陀層欄萬
井上三面雲遮羅俄看魚鱗收一峰青一螺日永風舒
舒卷幔吹漸多亭幽倚翠壁曲磴交荆莎涓涓細泉流
攬石注陽坡誰滋徑寸泥乃吐雙莖荷木桃綴華實扶
荔撈鮮波瀏覽隨所欣樂飲日已越既無形骸拘且免
監史苛杯闌見題句小陸此寤歌髣髴書策存
陳子出雅坪之
門豈忍輕堊磨吾鄙物外心從茲數娑拖肯於三伏時

禮法繩愆訛作詩繼小陸觀者任諧訶

題汪方伯小像三首

滌湖小別五年餘消息頻傳過嶺書一笑相逢還看畫
故人瀟灑只如初

薇堂綉子出花前野老來逢湯餅筵料得牽衣添阿囡
肯容郎罷賦林泉

乳毛五鬣拂龍鱗瘦石多成雨點皴此景并為君占取
更留何地屬閒人

高斯億為余畫竹以三絕句報之

故人有才子

斯億為老友
雲客之子

為我埽叢筠長帽眉山老看


來足亂真

細似楊无咎疎於顧定之清風愛相對赤日最高時
舊種南垞竹圖中勝百分歸裝無長物得此即封君

以蜜漬生荔支戲成一律

省得紅塵一騎忙輕郵試驗指迷方亟教爐火煎鉛液
更犯巢蜂割蜜房沃水預愁擔僕困開筵試共酒人嘗

到家翻惹兒童笑那不圓籠寄海航



曝書亭集卷十八